



GODINA XV
Broj: 3/60

BILTEN

juli-septembar 2020.
zu-l-kade-safer-1441/42

Isterno informativno glasilo Medžlisa IZ-e Tešanj

KURBAN BAJRAM 2020./1441.h.g. (str. 4.)

NOVA 1442.h.g.. (str. 5.)



Atrij Medžlisa – 24.07.2020.

Otvorena izložba fotografija Odazivam ti se Gospodaru

Miljanovci – 20.08.2020. tradicionalni Mevlud,
centralna manifestacija Medžlisa IZ-e Tešanj.

NOVA MEKTEBSKA GODINA - 2020/21 (str. 6)



Novi Nastavni plan i program,
novi ilmihali i nova pedagoška dokumentacija.



Medžlis IZ-e Tešanj prikupio sredstva, nabavio i podijelio besplatne ilmihale svim polaznicima mekteba

Četvrtog nagradno takmičenje u učenju Kur'ana napamet „HIFZ TEŠANJ 2020“. (str. 8.)



Atrij Medžlisa - Finalno takmičenje - 05.09.2020.



Pobjednici – I kategorija

Pozivamo vas da se pridržavate mjera zaštite jer je zaključno sa septembrom 2020. obavljeno 18 dženaza sa covid-19.

RIJEČ UREDNIKA**BISMIL-LAHIR-RAHMANIR-RAHIM****Poštovani čitaoci!**

U vremenu pandemije corona virusa (covid -19) svaka obljetnica ima svoju posebnu draž.

Da se podsjetimo, tačno 15. septembra 1970. godine izašao je prvi broj Islamskih informativnih novina Preporod.

To je jubilej vrijedan pažnje.

Zato u svoje ime i u ime svih onih koje predstavljam na području medžlisa IZ-e Tešanj želim da uputim iskrene čestitke povodom jubileja redakciji Preporoda.

Kroz ovih 50 godina kontinuiranog izlaska Preporoda na njegovim stranicama da se primijetiti kontinuirano praćenje života i interesovanja za muslimane, Islamsku zajednicu u Bosni i Hercegovni, kao i izvan nje naglašavajući da smo dio Ummeta.

Vođeni motom Kur'anskog ajeta. „Allah neće izmijeniti stanje jednog naroda dok taj narod ne promijeni sebe“ krije se i naziv imena Preporod koji je ostao stabilno glasilo ovih 50 godina Islamske zajednice bez obzira na vrijeme i iskušenja tog perioda.

Može se postaviti pitanje da li je to 50 godina iza nas ili 50 godina ispred nas.

Rekli bismo da je to ipak 50 godina ispred nas od onog momenta kada je rahmetli Husien ef. Dozo sa saradbucima pokrenuo ovaj list.

Imajući sve to u vidu konkursna komisija Fonda Hasan ef. Škapur, ove godine se opredijelila da nagradu i priznanje iz ovog Fonda dodijeli **Islamskim informativnim novinama Preporod** koje će se uručiti 12. rebiu-l-evvela 1442. h.g. (29.10.2020.) na tradicionalnom Mevludu u Čarši džamiji u Tešnju.

O dodjeli priznanja bit će više riječi u idućem broju Biltena.

Aktivnosti IO Medžlisa :**Održana 14. redovna sjednica IO**

08.09. 2020. sa početkom u 15,30. sati.

Sjednicom je predsjedavao predsjednik Zehrudin Kruško, a prisustvovalo 11 članova.

Na sjednici je razmatran dnevni red od 12. tačaka, a usvojeni su: Zapisnik sa 13. redovne sjednice i informacija o realizaciji zaključaka,

Izvještaj o realizaciji Plana aktivnosti u povodu Kurban bajrama 1441.h.g.,

Izvještaj o provedenim aktivnostima u povodu Hidžre – Nove 1442.h.g.,

Informacija o realizaciji plana aktivnosti za početak mektebske pouke u 2020/21 mektebskoj godini,

Zaključak o obilježavanju 12. rebiu-l-evvela 1442.h.g.,

Odluka o raspuštanju džematskog odbora džemata Bobare-Drinčići i imenovanju povjereništva za provođenje izbora u ovom džematu,

Zaključak o raspisivanju konkursa za prijem imama, hatiba i muallima u džematu Bobare-Drinčići,

Zaključak o imenovanju imama , hatiba i muallima u džematu Jevadžije,

Odluka o potrebi uklanjanje munare i izgradnji nove munare u džematu Karadaglje-Koprivci-Oruče,

Zaključak o potrebi sanacije i lakiranja drvene konstrukcije u sjedištu Mežlisa IZ-e Tešanj i dr.



08/09/2020

POZIV NA SARADNUJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Naša web stranica: www.miztesanj.ba ; email: info@miztesanj.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić; tehnički urednik, tekst i foto Rašid Orlović.

Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić i Suljo ef. Djedović prof., saradnici imami MIZ-e Tešanj.

HUTBA REISU-L-ULEME O MEKTEBU – 04.09.2020.

Hvala Allahu, Koji je sa zahvalom otpočeo Svoju knjigu (Al-Kitāb).

On je Onaj, Koji usmjerava koga hoće ka uputi i onome što je ispravno. On je Sudija među Svojim slugama sa Svojim cjelovitim znanjem, pravedan u Svojim presudama i odlukama.

U Svojoj Knjizi je rekao: **A kada sudite ljudima, sudite pravo!** (an-Nisa, 58).

Neka je salavat i selam na našeg vjerovjesnika Muhammeda, a.s. Neka je na njega Božiji blagoslov i na njegovu porodicu, i na njegove plemenite i odabранe ashabe koji su učvrstili osnove vjere na temeljima koje je on postavio, pa njima osvijetlio visoke svjetionike. U Kur'anu je rečeno: **Istina vam se objavljuje od Gospodara vašeg, pa ko hoće neka vjeruje, a ko hoće neka poriče.** (al-Kahf, 29)

Allah neće izmijeniti jedan narod dok on sam sebe ne izmijeni.

Promjena stanja nekog pojedinca ili naroda ne dolazi sama od sebe. To se u povijesti ljudskog roda nije nikada dogodilo ni s jednim narodom koji nije bio spreman da uči, da ispituje i istražuje. Sjetimo se da je doba, koje se pojavilo s Muhammedom, a.s., započeto veličanstvenim kur'anskim imperativom: **Uči, u ime tvog Gospodara Koji stvara, Koji je čovjeka stvorio od zakvačka sperme. Uči, plemenit je Gospodar tvoj, Koji podučava Peru. Koji podučava čovjeka onome što ne zna.**

Iz povijesti znamo veliku istinu Objave, sadržanu u Kur'anu časnom: **Reci: zar su isti oni koji znaju i oni koji ne znaju? Samo oni koji razmišljaju pouku primaju** (az-Zumer, 9)

Allah će na visoke stepene uzdići one (narode) među vama koji vjeruju i kojima je dato znanje. A Allah dobro zna ono što radite (al-Mudžadella, 11.) Nije li ovo najljepša melodija o nasušnosti i potrebitosti znanja i njegova savladavanja?

Nije li ovo sjajna zvijezda vodilja koja je vodila naše pretke dok su bili na kormilu svijeta i darivali mu najljepša saznanja i postignuća?

Nije li ovo dovoljno saznanje za nas danas i dovoljni svevremenski pokretač najvažnijeg motiva za ljudsko življenje i postupanje: uči, saznaj, kreiraj... I, na kraju, čini dobro i budi njegov snažni pokretač?

Ovih dana smo na još jednom početku, na početku mektebske i školske godine. Za nas su to mubarek dani, najvažniji u životu naše cijele zajednice i svakog od nas ponaosob. U njima smo radosni što nam je Uzvišeni dao mogućnosti, priliku i, nadasve, slobodu, da strpljivo i predano ispunjavamo Njegovu prvu naredbu o učenju i saznavanju. U njima ćemo svi krenuti u mekteb, u školu, na fakultet, u biblioteku... da odamo počast nauci i znanju koje nas je izbavilo iz mraka, podiglo, uspravilo i učinilo slobodnim ljudima. Zato nema važnijeg dana u godini.

U našoj muslimanskoj tradiciji je mekteb uvijek predstavljao čistu radost, znak nečega uzvišenog, posvećeni prostor znanja i plemenitosti, znak za napredak, novo rađanje čovjeka i novi početak. U našoj ljepoj muslimanskoj tradiciji je da se posebno poštovanje i predana poslušnost iskazuju roditelju i učitelju, muallimu i muderrisu. Oni su poučavali i odgajali, objašnjavali i postavljali pitanja, radovali se našem uspjehu, a žalostili se nad našom aljkavošću i ljenosću.

Temelji naše vjere i našeg muslimanskog bića su se gradili, glaćali i čuvali u mektebima i medresama, bolje od bilo kojeg drugog mjesta i staništa. U njima su stasavale (i danas stasavaju) generacije tihih i smjernih muslimana, hrabrih čuvara i prenosilaca suštine naše vjere i našeg muslimanskog i narodnog bića. Medrese i mektebi su simboli naše muslimanske pismenosti, odgoja i obrazovanja u kojima se uči o našoj muslimanskoj kulturi i narodnoj tradiciji. Mekteb je najznačajnija i najmasovnija odgojna ustanova naših muslimana.

Danas imamo više hiljada mekteba diljem svijeta, koje pohađaju naša djeca. U njima uče o vrijednostima vjere i morala, nauke i znanja, časti i poštenja, marljivosti i rada... Uče i o našoj bosanskoj tradiciji poštivanja drugog i drugačijeg pogleda na život.

Mekteb je nezaobilazan i važan stub odgoja naše djece i učvršćivanja identiteta kod mladih ljudi. To su mjesto na kojima našu djecu učimo zdravom i moralnom načinu življenja i kosmopolitskoj otvorenosti za sve ono što je korisno i napredno. Dječiji duh je poput vode i može ga se skrenuti na ovu ili onu stranu. Uloga roditelja i muallima u tom procesu je važna i nezaobilazna. Onda, kada roditelj i učitelj sarađuju to se uvijek odraži na formiranje zdrave ljudske ličnosti. Naša je obaveza da u našu djecu usadimo samopouzdanje: kroz učenje, igru i takmičenje. Obaveza je roditelja, jednakako kao i muallima, da svoje dijete poduče aksiomu muslimanskog odgoja: da se dijete ne precjenjuje niti da se potcjenjuje. Prvo će dijete sačuvati od uobrazilje, a drugo od ponjavanja. Učimo našu djecu tako da prepoznaju da je trud važniji od rezultata. Razvijajmo kod njih osjećaj odgovornosti za vlastito postupanje. Neka iskuse posljedice lošeg postupanja i zanemarivanja dužnosti. Poučimo ih važnoj životnoj lekciji: da je u vršenju dužnosti i ispunjenju preuzetih obaveza sav moral čovjeka, a u njihovom zanemarivanju velika sramota. Sjetimo se da nam je Vjerovjesnik, a.s., ostavio u amanet da od svoje djece zahtijevamo izvršavanje obaveza već od sedme godine, i da ih pozivamo na odgovornost za zanemarivanje dužnosti već od desete godine. Također, poučimo ih da su za velika djela potrebna velika odricanja, da najveću žrtvu, šehadet, traži domovina, a najveći trud i strpljivost sticanje znanja.

Dvanaestog septembra će naših više od 2.000 mekteba otvoriti svoja vrata u Evropi, Sjevernoj Americi i Australiji. Pozivam vas da zajedno s našim muallimima i muallimama ispunimo emanet prenošenja vjere na nove generacije muslimana i muslimanki. Mektebska nastava nije obavezna prema državnim zakonima, ali ona je naša savjest i odgovornosti pred Bogom i zajednicom muslimana. Vjera je predanje, nju se ne da u potpunosti usvojiti bez odgajatelja. Vjera se ne uči iz knjiga i s interneta; ona se preuzima od učitelja vjere, od muallima. Vjerovjesnik je rekao da će doći vrijeme kada će biti teško nositi vjeru, bit će to poput žeravice: ako je držite u šaci peče, a ako je ispustite ugasi se. Blago onima koji se za nju budu žrtvovali.

Nova mektebska godina će započeti s novim ilmihalima. Napisali su ih naši muallimi, naši znalci o mektebu i mektebskoj nastavi. Nadam se da će se s njima našoj djeci još više približiti vrijednosti naše vjere, naše kulture i tradicije.

Svim polaznicima mekteba i njihovim roditeljima želim sretan i hajirli početak mektebske, školske i akademске godine.

Budimo uz našu djecu, pomozimo im da odrastaju u miru, sretni i okruženi ljudima kojih ih vole i o njima brinu.

Gospodaru naš, olakšaj našoj djeci i sačuvaj ih velikih kušnji. Neka njihovo odrastanje bude u miru, na radost njihovih roditelja i svih nas. Gospodaru naš, podari ljubavi, znanja i strpljenja roditeljima i muallimima da istraju na časnom putu prenošenja emaneta Twoje vjere din-i islama. Amin!

HADŽ I KURBAN – BAJRAM 2020. - 1441. h. g.

Hadždž 1441.h.g. - Zbog pandemije corona virusa, a prema odluci nadležnih organa Kraljevine Saudijske Arabije, ove godine hadždž su mogli obaviti samo vjernici koji su u vrijeme hadždža boravili u Saudijskoj Arabiji, tj. nije bilo odlaska na hadždž iz drugih država, pa tako ni iz BiH. Iako nije bio izvršen raspis od Ureda za hadždž u BiH do pojave pandemije corona virusa u Tešnju je bilo prijavljeno 50 kandidata za odlazak na haddž.



Hadždž 1441. - Tavaf u vrijeme pandemije corona virusa

Prikupljanje, obrada i soljenje kožica u džematima
organizirano prva dva dana bajrama prema uputstvu Rijaseta



Jelah – primjer dobro obrađenih i nasoljenih kožica

Medžis – 24.07.2020. Otvorena izložba fotografija
“Odazivam ti se Gospodaru” u atriju Medžlisa pred džuma-namaz (u 12,00 sati). u okviru opoćinske manifestacije “Ljeto u Tešnju 2020.”

Autor fotografija i izložbe je glavni imam mr. Fuad ef. Omerbašić. Izložbu je otvorio predsjednik Izvršnog odbora Medžlisa IZ-e Tešanj Zehrudin Kruško.

Pored autora, na otvaranju izložbe govorio je Sadžid ef. Ramić, rukovodilac Ureda za hadždž i umru IZ-e u BiH.



Obraćanje Sadžid ef. Ramića

Prijem i predaja kurbanskog mesa za rehabilitacioni centar Duje – prikupljeno i predato preko 30 tona mesa.



Prevoz mesa u hlanjačama do Duja

OSTALE ZNAČAJNE AKTIVNOSTI:

Dezinfekcija džamija – završena 28.jula 2020. Dezinfekciju izvršio Institut za zdravlje i sigurnost hrane Zenica.

Upoznate džematlija o aktivnostima na području medžlisa i postupanju sa kurbanskim mesom i kožicama – u petak 24.07.2020. na hutbi u vrijeme džuma-namaza i u petak 1. dan Bajrama (31. 07. 2020.) na hutbi.

Bajram-namaz - klanjan u svim džamijama **31. 07. 2020.** Po instrukciji reisu-l-uleme sabah namaz u džamijama klanjali imam i članovi džematskog odbora, a vrijeme između sabaha i bajram-namaza nije korišteno za prigodno predavanje kako je to bila dosadašnja praksa. Bajram namaz je klanjan u 6 sati i 10 minute uz bajramsку poruku glavnog imama.

Bajramska sergija – u svim džematima poslije bajram-namaza postavljena sergija za potrebe Vjersko-prosvjetne djelatnosti Medžlisa IZ-e Tešanj i sva prikupljena sredstva predata u blagajnu Medžlisa IZ-e Tešanj, a na blagajni Medžlisa izdvojeno **25% za potrebe džemata**.

Uplate kurbana za potrebe medresa - putem hutbi upoznate džematlije o mogućnosti uplate kurbana za potrebe medresa po cijeni od 350,00 KM i sve uplate na vrijeme proslijedene medresama i to ukupno 492 kurbana od čega za medresu u Travniku 90, u Tuzli 101, u Mostaru 42, u Sarajevu 26, u Visokom 193 i u Banja Luci 40 (ove godine prvi puta).

Čarši džamija - 31.07.2020. – Prvi dan Kurban-bajrama - četvrtu godinu za redom u haremu džamije, prinesen kurban za šehide i vakife (ispred Medžlisa IZ-e Tešanj).

OBILJEŽENA HIDŽRA – NOVA 1441. h.g. u uvjetima epidemije corona virusa i uz primjenu mjera zaštite.

Sa akšamskim vremenom u srijedu, 19.08.2020. nastupila je Nova 1442.h.g.



Čarši džamije – 19.08.2020. Mevlud proučili imami gradskih i prigradskih džemata, a prigodno se obratili džematski imam mr. Enver ef. Kurtić i glavni imam.



Miljanovci – 20.08.2020. - Tradicionalni Mevlud, kao centralna manifestacija Medžlisa. Poslije akšam-namaza Mevlud proučili imami Medžlisa IZ-e Tešanj, a prisutnima se prigodno obratili, džematski imam Raif ef. Hasak i i glavni imam mr. Fuad ef . Omerbašić.



Jevadžije – 20.08.2020. prigodan program poslije akšam namaza, kojim je obilježen i završetak radova na krečenju munare.



Dobropolje-Mekiš, 23.08.2020. Mevlud u mesdžidu Mekiš, poslije akšam-namaza kojim je obilježen i završetak radova na uređenju mesdžida. Mevud su proučili imamim, a prigodno se obratili džematski imam Suljo ef. Djedović i glavni imam.



Ljetinić - 21.08.2020. glavni imam i predsjednik IO Zehrudin Kruško pred džuma-namaz posjetili džemat i sa predsjednikom dž.o. Muhamedom Agićem, imamom hafizom Almir ef. Salkanovićem prof. i vakifom hadži Muharemom Ahmićem posjetili vjerske i vakufske objekte u džematu na kojima su izvršeni radovi na rekonstrukciji i uređenju, a poslije džuma-namaza uručili vakufname vakifima za uvakufljena novčana sredstva i to: Ahmić Ibrahimu i Kotorić Osmanu za vanjsko uređenje vakufske kuće, Ahmić Muharemu za adaptaciju mektebske učionice u mesdžidu Alibalići-Ahmići, Ahmić Dini za krečenje džamije i munare i Agić Emi za kupovinu nove prostirke u mesdžidu Rosulje.

Mrkotić-Putešić - 19.08.2020. Prigodno predavanje džematskog imama poslije akšam-namaza i vatromet.

Novi Miljanovci – 21.08.2020. Tradicionalni Mevlud poslije akšam-namaza proučili softe iz medresa i studenti sa FIN-a uz prigodno obraćanje džematskog imama Bersad ef. Kozlića prof.



Tematska hutba – 21.08.2020. održana u vrijeme džuma-namaza u svim džematima.

Avdipašina džamija – 29.08.2020. Jevmu-l-ašura – 28. godinu za redom obilježena u Avdipašinoj džamiji. Zikr i obraćanje glavnog imama. Podjela ašure posjetiocima.

I u ostalim džematima je na prigodan način u manjem obimu od uobičajenog obilježena Hidžra.



NOVA MEKTEBSKA GODINA, NOVI ILMIHALI I PEDAGOŠKA DOKUMENTACIJA

Medžlis – stručni seminari za glavne imame i muallime. Na temelju Odluke Rijaseta IZ-e u BiH od 28.07.2020. mektebska pouka će se od ove mektebske godine izvoditi prema novom Nastavnom planu i programu mektebske pouke, novim ilmihalima 1, 2 i 3 za prvi, drugi i treći nivo mektebske pouke i novoj mektebskoj pedagoškoj dokumentaciji.

U cilju afirmacije i promocije mekteba i mektebske pouke te kvalitetnije pripreme za početak mektebske godine u okviru manifestacije **Dani mekteba** provedena je promocija novog NPIP i novih ilmihala 1, 2 i 3 za prvi, drugi i treći nivo mektebske pouke i u Tešnju na



Seminaru za muallimime 11.09.2020.



i seminaru za glavne imame i uspješne muallimea Muftijstva zeničkog 15.09.2020. u atriju Medžlisa IZ-e Tešanj

Medžlis – 19.09.2020. besplatna podjela ilmihala

U okviru manifestacije „Dani otvorenih vrata mekteba“ Medžlis IZ-e Tešanj je proveo akciju „Ilmihal kupi (uvakufi) i lijepu nagradu zasluzi“ u okviru koje su prikupljena sredstva od džematlija i pravnih subjekata (preko 38.950,00 KM) kojima je izvršena nabavka ilmihala i besplatna podjela svim polaznicima mekteba na području Medžlisa Tešanj, Kotor Varoš i Prnjavor, te polaznicima 3 grupe mekteba u Tesliću, ukupno 3800 Ilmihala. Na svakom ilmihalu naznačeno je ime vakifa, tako da su obuhvaćeni svi vakifi sa onoliko ilmihala koliko su uvakufili. Pored ilmihala svim polaznicima su uručene još i po platnena vrećica, haminska olovka, blok za pisanje i afiša o mektebu.



U džematu Jablanica



U Kotor Varošu

Nabavaljen novi namještaj u mektebske učionice iz sredstava zekata i sadekatu-l-fitra koja pripadaju Medžlisu i to:

Lepenica, Čaglići, Jevadžije, Jablanica, Trepče, Ljetnići i Bukva - ukupno 5 katedri i 5 stolica za muallime, 23 klupe, 66 stolica i 6 vješalice. – Izvršena dezinfekcija svih mektebskih učinica od 01.09. do 10.09.2020.

SOCIJALNO HUMANITARNE AKTIVNOSTI

Pomoć za izgradnju džamije u džematu Mandino Selo, Medžlisu IZ-e Tomislavgrad uručili glavni imam i predsjednik IO Medžlisa IZ-e Tešanj Zehrudin Kruško prilikom posjete Medžlisu IZ-e Tomislavgrad 17.08.2020., a koju su prukupili muslimani Tešnja.



Posjeta Muftijstvu banjalučkom i medresi "Reis Ibrahim-ef. Maglajlić" u Banja Luci.

Delegacija Medžlisa IZ-e Tešanj u sastavu: glavni imam mr. Fuad-ef. Omerbašić, predsjednik IO Zehrudin Kruško, predsjednik OO Ilmijje Tešanj Suljo ef.

Djedović prof. i sekretar OO Ilmijje Tešanj Dževad ef. Hasanbašić je u srijedu 26. 08. 2020. posjetila Muftijstvo banjalučko i medresu "Reis Ibrahim-ef. Maglajlić" u Banja Luci i tom prilokom uručila pomoć za rad medrese.



Dogadjaji, iz naših džemata....

Miljanovci i Vukovo – 04.07.2020. Uručene zahvalnice za angažman i doprinos u prikupljanju sredstava zekata i sadekatu-l-fitra u fond Bejtu-l-mal Islamske zajednice u BiH. Direktor Ureda za zekat mr. Vehid ef. Arnaut pred džuma namaz je uručio zahvalnicu imamu Raif ef. Hasaku prof. i džematu Miljanovci (zahvalnicu u ime džemata preuzeo predsjednik DŽ.O. Muhamed Husanović), a istu zahvalnicu džematu Vukovo (preuzeo predsjednik Rasim Dizdarević) uručio mr. Meho ef. Šljivo. Imam džemata Vukovo Mirnes ef. Alić je ranije primio priznanje kao imam džemata u kome je prikupljeno najviše sredstava zekata i sadekatu-l-fitra u BiH.



Dezinfekcija džamija izvršena 07.07.2020. - Bobare–Drinčići, 18.09.2020. provedeni izbori i izabran džematski odbor. Medžlis – izvršen priključak gradske gasulhane (vakuf dr. Besima Prnjavorca) na vodovod i kanalizaciju-25.09.2020.

Medžlis – 05.08.2020. Otvorene nove prostorije Škole Kur'ana u objektu Muftijin konak. Na svečanosti u atriju Medžlisa prisutnima su se obratili muftija zenički, glavni imam, predsjednik UB Vrijeme Zeman Jasmin Hadžikadunić i voditelj škole Kur'ana hafiz Ahmed ef. Bukvić prof



Vukovo – 09.07.2020. Tribinom obilježena 9 godišnjica otvorenja džamije. Tribina je održana u džamiji poslije akšam-namaza. Domaćin na tribini bio je džematski imam Mirnes ef. Alić, uvodničar glavnog imama, a prigodnu besedu održao Muftija zenički hafiz dr. Meludin ef. Dizdarević.



Jevadžije – 06.08.2020. Mevlud i uručenje vakufnama vakifima za uređenje džamije. Mevlud su poslije akšam-namaza proučili imami, a prisutnima se prigodno obratio glavni imam Medžlisa IZ-e Tešanj. Vakufname su uručene: Hasaničević dr. hadži Esad, Halilović Vahdet i Hana, Hrvić Vahdet, Delić Ramiz i Hana, Hasaničević Sejad, Karahodžić Senija, Yakar Gani iz Turske, Husibegović Fuad, Kovane ograde "Agić", Mulić Halima, Mehicić Meho, Festa Vahid i Galib, Bećarević Elvir, Subašić Fahrudin. Subašić Vahida. Ovim je obilježena i 15.god. otvorenja džamije.



Medžlis – 05.08.2020. – Održana promocija knjige „Oživi svoje srce“ autora Numan Ali Khana. Promotori: muftija zenički, muftija goraždanski Remzija ef. Pitić i prevoditeljica Mahira Uzuntas. U ime izdavača se obratio direktor Mustafa Bećirović. Moderator je bio glavni imam. Bila je to prva promocija ove knjige u BiH.



ŠIJE – 12.09.2020. Mevlud i uručenje vakufnama vakifima u povodu 15. godišnjice otvorenja džamije i završetka radova na ogradjivanju harema džamije i mezarja Huvići uz prigodno obraćanje glavnog imama. Vakufneme su uručene: firmi „BIO ŠAMP“, porodicu pred dušu Omić Adila, porodicu pred dušu Trepčić Omera i Trepčić Sabiri. Pročitana je i Odluka dž.o. o ustanovljenu nagradu „Lejla Adžić“ za polaznike mekteba.



ODRŽANO 4. NAGRADNO TAKMIČENJE U UČENJU KUR'ANA NAPAMET „HIFZ TEŠANJ 2020“

U okviru projekta saradnje Islamske zajednice sa nevladinim sektorom Medžlis IZ-e Tešanj i Udruženje Bošnjaka „Vrijeme Zeman“, pod pokroviteljstvom Muftijstva zeničkog, organizirali su četvrto nagradno takmičenje u učenju Kur'ana napamet „Hifz - Tešanj 2020“.

Ovo takmičenje je prвobitno bilo planirano da se održи 28.03. i 04. 04. 2020. ali je zbog pandemije corona virusa i propisanih mјera zaštite nadležnih državnih organa odgođeno pa je održano nakon ublažavanja mјera zaštite.

Kvalifikaciono takmičenje:

po kategorijama je održano u subotu, 29. augusta 2020. u četiri kategorije:

I kategorija –(pet džuzeva: 11.12.13.14. i 15.),

II kategorija – (Sura AL'MAIDE),

III kategorija – (27. džuz),

IV kategorija – (30. džuz).



Finalno takmičenje, proglašenje pobjednika i dodjela nagrada održano je u subotu, 5. septembra 2020. godine u atriju Medžlisa IZ-e Tešanj na kome je učestvovalo po pet prвoplasiranih sa kvalifikacionog takmičenja iz svih kategorija. Ovo takmičenje pratila je i ocjenjivala komisija u sastavu: hafiz Mirnes ef. Spahić - predsjednik, hafiz Fadil ef. Bektaš i hafiz Abdulaziz ef. Drkić.



Finalno takmičenje pratila je i ocjenjivala komisija u sastavu: hafiz Mirnes ef. Spahić - predsjednik, hafiz Fadil ef. Bektaš i hafiz Abdulaziz ef. Drkić.

U svečanom dijelu programa, tamičarima su čestitali i prigodno se obratili njihovoј prisutnoј rodbini, priateljima i džematlijama: mr. Jasmin Hadžikadunić, predsjednik Udruženja Bošnjaka „Vrijeme Zeman“, glavni imam Medžlisa IZ-e Tešanj mr. Fuad ef. Omerbašić i muftija zenički hafiz dr. Mevludin ef. Dizdarević.



Mustija i članovi komisije



Čestitka glavnog imama

POBJEDNICI**I kategorija:**

1. mjesto i nagrada odlazak na hadždž - Grizić Ahmed,
2. mjesto i nagrada odlazak na umru – Grabus Merzuk,
3. mjesto i nagrada odlazak na umru - Hamidović Bilal,
4. mjesto i nagrada odlazak na umru - Čoralić Safet.
5. mjesto i nagrada odlazak na umru - Kamberi Kamber.

II kategorija:

1. mjesto i nagrada 1.000,00 KM – Ait Idir Abdullah,
2. mjesto i nagrada 800,00 KM – Julardžija Usame,
3. mjesto 500,00 KM – Gičević Abdulkerim,
4. mjesto 400,00 KM – Abdel Monem Abdelrahman,
5. mjesto 300,00 KM – Gičević Muhamed.

III kategorija:

1. mjesto i nagrada 1.000,00 KM – Beganović Merjem,
2. mjesto i nagrada 800,00 KM – Pezić Zubejr,
3. mjesto i nagrada 500,00 KM – Aganhodžić Madžid,
4. mjesto i nagrada 400,00 KM – Alić Talha,
5. mjesto i nagrada 300,00 KM – Pezić Jasir,

IV kategorija:

1. mjesto i nagrada 500,00 KM – Skoko Ahmed,
2. mjesto i nagrada 400,00 KM – Beganović Zejneb,
3. mjesto i nagrada 300,00 KM – Sarajlić Muhamed,
4. mjesto i nagrada 200,00 KM – Mehanović Harun,
5. mjesto i nagrada 100,00 KM – Gičević Aiša.

Nijet je da se podstakne mlade na učenje Kur'ana, ukaže da se kontinuiranim sticanjem korisnog znanja i halal radom lakše ostvaruju dunjaluke i ahiretske koristi, te poseban nijet da se kroz ovo takmičenje dođe do bar jednog hafiza (takmičenje je koncipitano na postepenom proširenju kategorija: prve godine takmičenja prva kategorija je bila sura Bekare, duge godine prvih 5 džuzova, treće godine slijedećih pet tj. 5.-10., ove godine slijedećih 5 džuzova 10-15, iduće godine ako Bog da slijedećih 5 – 16, 17. 18. 19. i 20.. džuz.... treća kategorija druge godine 29. džuz, treće 28. džuz, ove 27. iduće 26 ...itd.).